



Pia Hilaria R. P. Angelini Gazæi E Societate Iesv Atrebatis

Gazet, Angelin

Antverpiae, 1629

Seruus Perüanus vorans ficus, litteras videre & loqui eredit.

[urn:nbn:de:hbz:466:1-70444](https://nbn-resolving.org/urn:nbn:de:hbz:466:1-70444)

Vt dextra semper larga nesciat fordes,
 Vt bursa semper plena nesciat rugas,
 Vt lingua semper vera nesciat lapsum,
 Vt verba semper blanda nesciant rixas,
 Vt facta semper æqua nesciant fucum,
 Vt fama semper pura nesciat probum,
 Vt vota semper alta nesciant terras,
 Tibi quod optas, & quod opto, dent Diui.

*Seruus Peruvianus vorans ficos, literas
 videre & loqui credit.*

Ex P. Richeom. Valedictione anima.

V Bique, quidquid dixeris, Bœotia est;
 Cælo sub omni prostat Arcadiæ pecus
 Venale, pretio cui libet quanto libet.
 Vbique fœnum est fœneique caudicis
 Ingenia, barda, lusciosa, gibbera,
 Velo trilici & triplici circumdata.

Seruum vir Europæus in Brasiliâ
 Peruvianum coëmerat, monstrum viri.
 Nobilibus istuc sæpè delictum est, aues
 Hasce educare territandis paruulis,
 (Si fortè plorent,) aut creando risui.

Stabat labrosus bucco, vtrunque loripes,
 Naribus obesus, voce fuscus, & myops;
 Dexterâ sinistro, sed sinistra dextero
 Spectabat oculo, bellus obtutu strabus,
 Sed flaccus aures semibesse pendulas,
 Instar lyciscæ aut vertagi venatici,
 Instarq̃ue peponum acuminatus occiput,

(Mon-

(Monticulus etiam tergo in obstipo sedet)
 Neu quid deesset, tota verba nunc vorans,
 Nunc tota truncans, verius longissimas
 Ducens in vlnas balbus, & naso fluens,
 Oculisque totis lippiens totos dies,
 Vacuus cerebro, quodque peius est, edax
 Gurgis ciborum, & dum potest, barathrum penus.
 Obliviosus nominis etiam sui.

Quam benè habitabat mens in isto cortice!

Per hunc amico destinare corbulam
 Ficu refertam præcoquâ volens Herus,
 Pariter amoris atque doni nuntias
 Dat perferendas huicce Fungo litteras.

Abire frugiperda fiscinam ferens:

Ast iter eundo Domina curiositas,
 Cognata stultis, atque bardorum soror,
 Aperire suadet. Pandit, & ficulnea
 Primum ille folia conspiciat, cæulas
 „ Deinde bulgas elegantes; Quid rei,
 „ Quid, inquit, istæ gestitant crumenulæ?
 (Numquam ille ficus ederat, non viderat)
 „ Soluit putamen mollicellum. Prô, ait,
 „ Hæcine crumenæ purioris sacchari?

Cave sis, gulose, Litteræ linguas habent,
 Ut murus oculos. Si sapis, manum abstine,
 Magisque dentem, si sapis, gluto, abstine.
 Sed has habenas currus audit scilicet.
 Primam secunda, tum secundam tertia,
 Et quarta sequitur tertiam gressu pari.
 Quò plus voratæ, plus vorandæ. In dentium
 Sic colliquescit saccharum palatio.
 Et ambidexter mandit ambidexterè.

Dex-

Dextra & sinistra disputant, vtra crebrius
Inculcet offas Cerbero ficulneas.
Ficubus edendis facta mens olli fuit,
Magisque triplo quam fuit ficulnea.

Ehodum vorator, lubricas terge manus,
Sat prata iam bibere, riuos claudito.
Abit ergo grauior ipse, leuiorem ferens
Corbem; obleratam commodè offert Nobili.

Legit hic, recenset, atque reliquias videns,
„ Quo iure decimasti, inquit, in fundo meo,
„ Meisque rebus? tot tulisti, ne nega,
„ Tot & vorasti, ne nega. Constans negat,
„ Egone ficus surpui? ficus ego?
„ Te surpuisse, subdit alter, splendide
„ Ipsum id loquuntur litteræ. Quid litteræ
„ (Dauus reponit) quid loquuntur litteræ?
„ Oculisne capta & auribus captissima
„ Potest papyrus id loqui, & falsum loqui?

Ridere secum Nobilis Dauus inclyti
Insulsa symperasinata, ut furtum premat.
Et mox remittit ad suos cum testibus
Rei peractæ litteris. Simulat Herus
Iterumque amico mandat, hocce baiulo,
Lapsis diebus pauculis, qualum nouum;
Decipula muri fit comes, lepori plaga.
Væ si vel vngue, quod gerit, tangat leui.

Vix ille dimidiauerat coeptam viam,
Cum suspicitque, despicitque, respicitque,
An nemo, nullus, vsquam & vsquam fiet;
Memor periculi nuperi, at memor magis
Cupediæ nuperæ merendulæ.

Esfrænis omni Cupiditas clauo caret.

Cor-

Corbem ergo referans, litteras primū, dein
Desiderati ferculi annonam videt:

Vix se tenebat, & manu manum fricans
Gaudebat altum gaudium. Tamen tamen
Obliquiore litteras naso aspicit,
Animique varius pendet, & prodi timet.

Sed nactus apti consili firmam ratem,
Saxo has reperto subdit, & saxo sedet
Saxum ipse, trepidos sic metus amoliens.

„Nunc totus, inquit, alacer in ficus ruo:
„Dormite vos ô Litteræ. Satis scio,
„Quanto in periclo virgidemiæ fui,
„Vestæ sororis nuper indicio: nisi
„Mendaciorum pallio fulto benè
„Benè fultus issem, de cute actum erat meâ,
„Insipida grossus, durior duricoriâ,
„Cono fuisset in meo mox confita,
„Vice tenerarum, quas voraram, ficuum.
„Nil iam verendum à litteris, nimium benè
„Dormire iussis: Prandeamus. Illicò

De ventre corbis in suum ficus iacit;
Et vsque & vsque, nec quies, nec est mora:
Sæpè & petiolos, sæpè & ipsum corticem
Longè rapidius, quàm puer cerasum, comest.
Ne fortè de sub lapide litteræ inaudiant:
Strepitum molentū, quā potest, molarium
Deiutat, & ne pareant, à se procul
Iactat petiolos sedulus. Sed iam satis,
Et finis esto, fuce, solue symbolum.

Barbam repectit, tergit os manu probè,
Digitosque lambit, litteras resuscitat.
Pergensque, gestā re velut probissimè,

Inta-

01-

Intaminatam Nobili dat sportulam.

Supereſſe lectis ille ſola litteris
Analeſta rurfum ſentiens, laudat virum,
Cum gratiſſque litteriſque redeſtinat
Domum, ad vorandas in nouum ientaculum
Ficus acerbis in nouis repotiis,
Si fortè lubeat (& lubebit) ſic Hero.

Herus retorto litteras vultu legit,
Hominemque relegit, voce dein grandi tonat:
Stigmatice, paucis, huc aedeſdum, te volo:
(Adeſſe iuſſus ille, nil hili ſibi
Conſcire ſimulat, innocentior niue)
„ Non te tuique & criminis pudet tui,
„ Improba vorago ficuum? Ficus ego?
„ Egone ficus ſurpui? inquit. O here,
„ Abſit nefandum, quod mihi impingis, ſcelus.
„ Negoque pernegoque quidquid Litteræ
„ (Nequitia ô ipſa nequiores Litteræ)
„ Ementiantur. Crede iurato mihi.

Herus adhibere ſcilicet Dauo fidem.
„ Adeſte famuli, adeſte virgarum nemus.
Vix ea profato, iuſſu herili conuolant
Mancipia valida bina plagofiſſima,
Tiliæ maniplos emedullarant probos,
Manus bifuris colligant, vlticibus
Armantur vlmis in dearmatam cutem.

Nudi ergo tergi (collis inquam carnei)
Lentiginola rura molliter fricant,
Vt lene carminarier linum ſolet,
Vt aſellus arefactus emollirier:
Deque repetundis agitur iſtoc in foro.

Has inter ymbraſ, inter haſ ficus nouas

Fice

- » Ficedula cantat: Diua veritas ubi es?
 » Virgæ recantant: Residet in tergo tuo:
 » Nisi fateare, nîve ficus exscrees,
 » Moriemur omnis vlmus in eadem domo.
 Talis medullæ ficuum tandem sature,
 Pictus satis superque pigmento vlmeo,
 Noxam fatetur, vim intulisse corbulæ,
 Decimasse fructus. Ceterum mentirier
 Per omne rostrum, perque dentes improbos,
 Has lingulas proditricis Litteras,
 Quod se vorantem viderint, audiuerint.
 » Causam rogatus, Has ego, inquit, faxeâ
 » Sub mole tenui, pressi, & insedi vorans,
 » Vt non videre, non subaudire hac suâ,
 » Quamuis odorâ, nare potuerint sonum.
 Hoc erat acumen ingenî Peruij.
 Bœote gaude, non fuit, nec post erit
 Bœotus aër solius Bœotiæ.
 » Nempe iste Mundi mundus est, & multiplex
 » Quâ corporum quâ mentium choragium.

Iudeus vas vacuum, sed signatum.

S. Greg. lib. 3. Dialog. cap. 7.

SCAZON.

A Vt scruta venditurus, aut vetus ferrum,
 Aut sulphurata mucida, aut suos tandem
 Visens Apellas, ibat improbo passu
 Iudæus abs Campaniâ pedes Romam.
 Fôrs Hespero vocante nox supergressa,

Sed